

A OTTIERI

====°=====

Permitimi ottieri, chi unu cantu
ti presente cun sanu sentimentu,
preghendedi chi ben'istes'attentu
e de cunsiderare tottu cantu...

Pro dare noa vida a s'impiantu
de ottieri, bas'e fundamentu
a sos ch'onor'e merit'ana tentu..
de sas garas poeticas su antu,

Ottieresos fin'amados tantu
de ingegnu, de geniu e talentu
ch'ancora ios sun'at'ogn'eventu
mancari postos in su campu santu.

A s'istori'han pagginas'aggiantu
cussos'eroes, senza monumentu,
e no est giust'a isperder s'ammentu,
sutt'a misterios'oscuro mantu.

S'onor'issoro, devet esser frantu,
rispettad'e diffes'ogni mamentu,
ca mi paret intender su lamentu
cun piedosas gridas de piantu.

Tristos si sentin'e umiliados,
da paesanos ribelles partidos,
poi e los'aer de lughe frunidos
los han'intro sa tumba denigrados;

sos modernos, ziviles, educados,
chi sun bene d'istudios nutridos,
han'ignorad'e no si sun sapidos,
chi irriconnoschentes sun'istados,

Cun cussos defuntos onorados,
idolos de Sardigna prefferidos,
pro zertos solu s'abbarran dormidos,
ma pro su restu sun sempr'ischidados,

Sol bios chi si cren d'esser restados,
esploradores de noellos lidos,
non sun'ancor'a s'iscop'arrividos
ca sos cancellos'incontran serrados.

M'auguro chi siant fortunados
de glomper'a sos chelos plus ambidos
in manera chi reste bene idos
e de fam'immortale coronados.

IL POETA

DIANA

SA VIDA

====°====

Sa vida l'amant tottu sas persones:
piantas et ogn'esser'animale,
apprezzad'est da tott'in generale,
san'e salva da tristas passiones.

A la viver in bonas condisciones,
si prega vida long'ogni mortale,
su benistare, s'est'universale,
si godin tottu sas soddisfasciones.

Ogni coro chi palpitat, s'abbizzat
cant'est bellu su viver'in comune,
si vida, amor'e paghe s'eternizzat.

Su viver bene prefferit'ognune,
chi fine mai no appat disizzat,
ch'a morrer non piaghet a neune.

SA MORTE

====°====

Frores, fruttos, piantas, trunch'e nae,
razzas de animales a tenea,
ch'istan in mare e in sa terr'intrea:
pisches, belvas feroces, fer'e ae

Cun'abbitantes, d'inogh'e ouddae,
sun sutta postos a sa morte rea,
nobil'umiles, fortes, de ogn'idea,
perin sutta sa barbara piaae.

De cantos nd'ad'in s'umana zenia,
neun'e si salvare faghet proa,
sa morte truncat'a tottu sa fua.

Resuscitadu sol'est'un'ebbia
su restu, chi innant'e, chi a coa,
morit pro forza sutt'a s'ira sua.

IL POETA

DIANA

OTTAVA

Da s'intinu e su coro sun impo^ltos
custos miseros versos patria mia
brivos de didascalic'armonia
de metrich e de forma paru toltos
sos chin fin bono^opoetas sus moltos
'impar^l can ses membros de giuria
No a prus Otieri esseres bios
Eo piango can sos versos mios .

D I A N A

O T I E R I

Cust Otieri nostru benelattu
Est de mea seculos ignottu
Serrad in gira in giru quasi tottu
che presoneri ch'à fattu delittu

S'a Musserradu ,Tramentu e a Littu
siant ben'in su mundu connotu
a su turismu siant dadu mottu
fi diventatu preferidu situ

Tre montogios pro dare bonu fruttu
Ha de regala sa natura fattu
Logu sanu ,climatàca ,perfettu

Solian'ariosu ,allegre,acqutta
de su turismu s'ideal adattu
pro godefe tranquilla ogni delittu.

D I A N A